

Matseno

Karolo 4 ya Molaotheo (Kgaolo 59 le 72) e pateletsa le go rwesa Palamente maikarabelo a go nolofatsa go fitlhelela le botsaakarolo jwa setšhaba mo peomolaong le ditiro tse dingwe tsa Palamente.

Lemorago

Jaaka karolo ya lenaneo la go aga Palamente ya Batho e e nonofileng e bile e tsibogela ditlhoko tsa batho mme e kgweetswa ke maikaelelo a go lemoga botshelo jo bo botoka gore batho botlhe ba Aforika Borwa, Palamente ya Rephaboliki ya Aforika Borwa e tseile tshweetso ya go simolola go tlhoma Dikantoro tsa Temokerasi tsa Palamente (tse di itsagaleng e le PDOs) mo diporofenseng tsotlhe di le robongwe.

Go fitlha jaanong, go setse go tlhomilwe dikantoro tse tharo ko diporofenseng tse di latelang: Limpopo, Kapa Bokone le Bokone Bophirima le PDO ya Bogareng kwa Palamenteng.

Taolelo PDOs

Dikantoro tsa Temokerasi tsa Palamente di tlhomilwe ka maikaelelo a go tlhama ponagalo e e ka bonako le e e tsepameng ya Palamente, segolobogolo kwa baaging ba ba

kgakala kwa magaeng, ba ba se nang didiriswa tse dintsi, bao thebolelo ya ditirelo e leng kwa tlase mo diporofenseng tsotlhe di le robongwe, bao e leng gore ka mabaka a mantsi ga ba nna karolo ya dingangisano tsa bosetšhaba mo tikologong le mo botsaakarolong jwa setšhabeng.

Maikaelelo a PDOs

- Go atolosa go fitlhela Palamente, tšhono le sebaka sa go kopana ka namana le go buisana le batho bao e seng karolo ya dingangisano tsa bosetšhaba mo tikologong.
- Go kopanya botsaakarolo jwa setšhaba le seabe mo tsamaisong ya peomolao le ditiragatso tse dingwe tsa Ntlokokoano Bosetšhaba le Khansela ya Bosetšhaba ya Diporofense ka bobedi le Dikomiti tsa tsona mo diporofenseng tsotlhe, go latela togamaano ya Palamente le khalentara ya ngwaga.
- Go netefatsa bokgoni jwa maemo godimo; ikonomi le nonofo mo baaging ba ba fitlhelelang le go emanokeng mananeo a palamente.

Ditiro tsa PDOs

Tiro ya rona ke go:

- Neelana ka tshedimosetso ka Palamente le tiro ya yona
- Tshwara mananeo a thuto ya setšhaba le

naatlafatso ka ga Palamente

- Tlamela setšhaba ka polatefomo go fitlhelela, go tseya karolo le go nna le seabe mo ditsamaisong tsa Palamente
- Emanokeng mananeo a palamente
- Kopanya le go dirisanammogo le maphata a mangwe a puso

Mananeo a PDOs

Mananeo a rona a tsenyeletsa tse di latelang:

- Go lebelela tikologo
- Go tshwara dithutano tse di matlafatsang baamegi
- Go sedimoseta setšhaba
- Go emanokeng mananeo a palamente
- Teboseša tsa ngwaga le ngwaga le baamegi

Go Lebelela Tikologo

Eno ke tsamaiso eo e leng gore kantoro e supa le go kokoanya tshedimosetso ka dintlha tsa baagi, ditlhoko le matshwenyego gore e itsise Palamente le go netefatsa gore maikaelelo a mananeo a yona a atlega.

Dithutano tse di Naatlafatsang Baamegi

Maikaelelo a dikatisotiro tseno ke go matlafatsa baamegi le baagi go ba tlhalogantsha le go ba itsise ka ga Palamente le ditsamaiso tsa yona



tša peomolao, go ba kgontsha go tsamaisa dintlha kwa baaging tša Palamente le go tsaya karolo sentle mo ditsamaisong le ditiragatso tša palamente.

Tshedimoso ya Setšhaba

Lenaneo leno le tlamela maloko a setšhaba ka tšhono ya go buisana le Maloko a Palamente le maphata a mangwe a puso mabapi le dintlha tša bona. Polatefomo eno e dirisiwa gape go itsise setšhaba, tsamaisa ditshwaelo le dipoelo ka ga dintlha tse di kwa Palamenteng.

Kemonokeng ya Mananeo a Palamente

PDOs di emanokeng mananeo otlhe a palamente kwa diporofenseng, segolobogolo go Dintlo ka bobedi, e leng, Ntlokokoano Bosetšhaba le Khansele ya Bosetšhaba ya Diporofense le Dikomiti tša tsona.

Tebeseša tša Ngwaga le Ngwaga le Baamegi

Maikaelelo a ditebeseša ke go neela baamegi le baagi ba ba dirileng ka thata tšhono ya go tsiboga le ditshwaelo tse di dirisiwang go itsise le go tokafatsa mananeo a rona. Baamegi ba mafelo ao a ikaeletsweng ba lalediwa le bona.

O KA IKGOLAGANYA JANG LE RONA

PDO E E BOGARENG

Office 52, Good Hope Building,
Parliament of RSA, CapeTown, 8000

T: 021 403 3373 / 8215
F: 021 403 3118
E: pdo-info@parliament.gov.za

PDO LIMPOPO

One Stop Shop Centre, Ga-MatlalaThaba, 0756
PO Box 1516, Bakone, 0746
T: 015 227 0050/6
F: 015 227 8900

PDO KAPA BOKONE

9 Meul Singel, PO Box 754, Kakamas, 8870
T: 054 431 0508
F: 054 431 1951

PDO BOKONE BOPHIRIMA

Old Municipal Building / Old Governors House,
Phola Section, Ganyesa
PO Box 561, Ganyesa, 8613
T: 053 998 4262
F: 053 998 4261

DIKANTORO
TSA TEMOKERASI
TSA PALAMENTE

